



Na osnovu člana 10a. stav 1. tačka f) Zakona o javnim nabavkama („Službeni glasnik BiH“, broj 39/14 i 59/22), člana 95. Statuta Općine Travnik (Prečišćeni tekst “Službene novine Općine Travnik”, broj 11/05) i člana 2. Odluke o pokretanju procedure kreditnog zaduženja Općine Travnik (“Službene novine Općine Travnik”, broj 10/24), Općina Travnik **r a s p i s u j e**:

JAVNI POZIV za izbor banke za kreditno zaduženje Općine Travnik

I. PREDMET POZIVA

Predmet Javnog poziva je dostavljanje ponuda banaka u cilju izbora banke za kreditno zaduženje Općine Travnik. Bira se samo jedna banka. Sredstva za servisiranje ovog kredita planirana su u Budžetu Općine Travnik za 2024. godinu.

II. USLOVI I KRITERIJI

Usluge dugoročnog kreditnog zaduženja podrazumjevaju:

1. Dugoročni kredit u iznosu od 10.000.000,00 KM (desetmiliona KM)
2. Namjena zaduženja: finansiranje kapitalnih projekata u skladu sa Listom infrastrukturnih projekata koje će se finansirati iz kreditnih sredstava usvojenom od strane Općinskog vijeća Travnik broj 01-1-01-3-11-119/24 od 09.05.2024. godine (“Službene novine Općine Travnik”, broj 10/24)
3. Rok otplate kredita je 10 godina (120 mjeseci);
4. Grejs period: bez grejs perioda.
5. Kamatna stopa nominalna do 3,10 %;
6. Troškovi obrade kredita jednokratno na iznos odobrenog kredita do 0,10% od iznosa kredita;
7. Način obezbjeđenja kredita: bjanko vlastite mjenice Općine Travnik i mjenično ovlaštenje
8. Način otplate: jednake mjesečne glavnice
9. Naknada za prijevremenu otplatu: bez naknade prijevremene otplate
10. Kreditna sredstva moraju biti osigurana odmah nakon potpisivanja ugovora, a najkasnije u roku od 5 (pet) dana od dana obostranog potpisivanja Ugovora, na način da banka kreditna novčana sredstva prebaci na račun Općine Travnik otvorenog za te namjene;
11. Kreditna sredstva će u cijelosti biti operativna - Općina Travnik može povlačiti, odnosno raspolagati sredstvima u skladu sa namjenom zaduženja
12. Otplata kredita vršiće se iz redovnih sredstava budžeta Općine Travnik po planu budžeta
13. Ugovor će se zaključiti odmah po sticanju zakonskih uslova za zaključenje ugovora.
14. Ponuđač je obavezan da u svojoj ponudi dostavi otplatni plan gdje će biti iskazana ukupna suma mjesečnih glavnica, sa svim pripadajućim troškovima.

III. USLOVI UČEŠĆA

Opća dokumentacija:

- a) Rješenje o registraciji banke kod nadležnog suda u F BiH i Aktuelni izvod iz sudskog registra nadležnog suda u Federaciji Bosne i Hercegovine za banku,
- b) Dokaz o dozvoli za rad (licenca) od Agencije za bankarstvo Federacije BiH,
- c) Certifikat za osiguranje depozita izdat od strane Agencije za bankarstvo Federacije BiH,
- d) Uvjerenje o poreznoj registraciji pravnog lica, izdato od Poreske uprave Federacije BiH,
- e) Uvjerenje o registraciji/upisu pravnog lica u Jedinствeni registar obveznika indirektnih poreza izdato od Uprave za indirektno-neizravno oporezivanje BiH,
- f) Izjava o adekvatnosti kapitala na dan 31.12.2023. godine koja ne smije biti manja od 15%

- g) Uvjerenje o izmirenim porezima i doprinosima kojim se potvrđuje da se uredno izmiruju direktni porezi, doprinosi PIO/MIO i zdravstveno osiguranje izdato od Porezne uprave FBiH, ne starije od tri mjeseca od dana podnošenja ponude,
- h) Uvjerenje nadležnog suda ili organa uprave kod kojeg je ponuđač registrovan kojim se potvrđuje da isti nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini,
- i) Finansijski izvještaji za 2023. godinu sa iskazanim potrebnim minimalnim iznosom dioničkog kapitala i dobiti nakon oporezivanja na dan 31.12.2023. godine koji uključuju sljedeće: bilans stanja, bilans uspjeha i izvještaj o promjenama u kapitalu,
- j) Izjava u originalu na memorandumu ovjerena i potpisana od ovlaštene osobe o visini kapitala na dan 31.12.2023. godine,
- k) Izjava u originalu na memorandumu, ovjerena i potpisana od ovlaštene osobe ponuđača o tehničkoj opremljenosti i osposobljenosti za izvršenje traženih usluga.

Napomena: Sve fotokopije dokumenata moraju biti ovjerene od strane nadležnog tijela uprave ili notara i ne mogu biti starije od 3 mjeseca, računajući oddana predaje.

IV. OCJENA I IZBOR PONUDE

- a) Komisiju za izbor banke rješenjem imenuje Načelnik Općine Travnik,
- b) Komisija, putem Službe za ekonomsko-finansijske poslove, je dužna obavjestiti sve podnosiocce ponuda po ovom javnom pozivu, i to o datumu, vremenu i mjestu javnog otvaranja ponuda na ovaj javni poziv,
- c) Komisija za izbor banke sačinjava preliminarni prijedlog izabrane banke za kreditno zaduženje i istu dostavlja Službi za ekonomsko-finansijske poslove kako bi obavijestila podnosiocce ponuda o izabranoj banci,
- d) Podnosilac ponude, u cilju zaštite svojih prava, može dostaviti pismeni prigovor Općini Travnik, u roku do 3 dana od dana objave preliminarnog prijedloga,
- e) Odmah nakon rješavanja prigovora, Komisija sačinjava prijedlog izabrane banke za kreditno zaduženje,
- f) Sa bankom izabranom na gore navedeni način dalje se provodi procedura kreditnog zaduženja u skladu sa Zakonom o dugu, zaduženju i izdatim garancijama.

Cijena ponude predstavlja ukupan iznos kamata na kraju ugovorenog perioda, uključujući i iznos za troškove obrade kredita.

Ugovor se zaključuje sa bankom koja je u skladu sa navedenim uslovima dostavila ekonomski najpovoljniju ponudu. Sve banke učesnice na javnom pozivu će biti obavještene o odluci i rezultatu postupka izbora banke, u roku do 3 dana od dana donošenja predmetne odluke.

V. OSTALE ODREDBE

U postupku po ovom Javnom pozivu Općina Travnik ne snosi nikakve troškove učesnika Javnog poziva, te zadržava pravo da poništi Javni poziv, ili da odbaci sve ponude, u bilo koje vrijeme prije zaključenja ugovora. Prispjela dokumentacija se ne vraća podnosiocu ponude.

VI. ROKOVI ZA PODNOŠENJE PRIJAVA

Javni poziv za izbor banke za kreditno zaduženje Općine Travnik ostaje otvoren 10 dana od dana objavljivanja.

Na poleđini koverta obavezno se navodi: naziv podnosioca ponude, adresa i kontakt telefon, te se ovjerava pečatom. Ponuda se čvrsto uvezuje na način da se onemogući naknadno vađenje ili umetanje listova. Stranice u ponudi se označavaju brojem na način da je vidljiv redni broj stranice. Prijave se podnose u zatvorenoj koverti sa naznakom

**„Prijava na za izbor banke za kreditno zaduženje Općine Travnik “
sa naznakom „Ne otvaraj“.**

Prijave na Javni poziv sa potrebnom dokumentacijom predaju se na protokol Općine Travnik ili putem pošte na adresu:

OB 007

Strana 2 od 3

Općina Travnik
Služba za ekonomsko-finansijske poslove
Ul. Konatur bb
72270 Travnik

Nepotpune i neblagovremene prijave neće se uzimati u razmatranje.

Broj: 01- 11-5-606/29
Datum: 16.05.2024.g.



N A Č E L N I K

dr. sci. Kenan Dautović